

فتاوى الشيخ فريد الأنصاري 5

فريد الأنصاري

يعني هادي مرا كتسول على ديك البدع ديال الجنائز يعني تلتيام ها ربيعين يوم ها منعرف شنو هداكشي كلو فعلا اباطيل ما انزل الله بها من سلطان الناس بزاف ديال المصايب اللي حدثوا تزيين الحواجب بالنسبة للمرأة حلال ام حرام - [00:00:00](#)

اذا تعلق الأمر بالتتيف النمص هذا راه فيه حديث ثاني صحيح اللي اعطى الله هو هذا انا مايمكنليشاي غادي نخبع هادشي يعني حسابت فالحديث الصحيح ان رسول الله صلى الله عليه وسلم لعن النامصة والمتنمصة نطلبو الله العافية لنا ولكم يعني سبحان الله العظيم هادشي - [00:00:20](#)

وقع في النساء فهاد الزمان ما ادري ما سببه انا نقولكم واحد الكلمة عجيبة يعني عجيبة ماشي لأن انا كنقولها ولكن لأنها كايينة فعلا الأصول ديالها في كتاب الله وفي سنة رسول الله عليه الصلاة والسلام انه الأزواق الأذواق ديال النساء والرجال فهاد الوقت فسدت مابقاش بندم عندو الذوق وما بقى عندو الذوق - [00:00:40](#)

عرفتي ولاش مبقاش عندو الضو؟ لأن الحاجة لي زوينة بقات كتبان قبيحة. والحاجة لي قبيحة بقات كتبان مزيانة. هذا فساد الذوق. الطلاق بالقطع. يا سبحان الله العظيم يعني مثير جدا انه يعني الإنسان كيمشي للفترة اللي خلق الله وكيبقى يخسرهما نعم اذا واحد المرا نبت لها الشعر فواحد - [00:01:00](#)

المكان ماشي طبيعي بحال مثلا فالخد ديالها فوسط الجبهة ديالها فالنيف ديالها بواحد الشكل هادا عندها الحق من الناحية الشرعية تزولو بالوسائل الطبية هادا مافيهش اشكال لكنني لحببي لي عطاه رب العالمين شتي كيما عطاهم لك الله تعالى راه الجمال ديالهم والزين ديالهم بذاك الشكل لي عطاه لك الله سبحانه وتعالى والله العظيم سبحان الله العظيم الإنسان ملي - [00:01:20](#)

ملي كتصفا النفس ديالو ومكيكونش مخسر في العقل ديالو هداك لي بان لك نتي ممزيانش كييان مزيان هديك اللحظة وربّي تعالى مكيخلقش القبيح سبحان وتعالى كل وحدة كييعطيها ربي تعالى صفات مكيانش فلخرا لأن اش كيوقع للناس؟ هدا التقليد ديال اليهود او النصرى ليهود او النصرى ضحكو علينا كيرسمو لينا - [00:01:40](#)

نموذج ديال الجمال ها هو هذا كذوب هداك الله سبحانه وتعالى دار نماذج ماشي نموذج واحد ولذلك ملي كتزيان الروح الروح كتزيان كتفيض على البدن بالزين تنقولكم الكلام الحقيقي لما كتزيان الروح كتفيض على البدن بالجمال وإذا فسدت الروح - [00:02:00](#)

تفيض على الوجه بالقبح. سبحان الله هادشي كنشوفوه. شحال من واحد او وحدة كيكون وسيم كمال الوسامة. ولأنه قبيح قبيح الأخلاق ديالو سبحان الله كييان باسل بحال التراب. لأن الروح ديالو خبيثة. راه عمر الجمل ما كيكون في الوجه شكلي حرفي. ولذلك ما تقرب - [00:02:20](#)

امراة الى ربها الا افاض عليها من اسرار جماله هو جل وعلا ما لا قبل للناس به ويعطيها القبول في القوة المرأة تصنع تصنع تا كتولي بحال الميكة والعياذ بالله. بحال هادوك المونيكات لي كيعرضو بهم الملابس. ما فيهم دوق سبحان الله العظيم. انا نقول لكم الذوق فسد - [00:02:40](#)

فسد الذوق ديال الناس سبب التربية التلفزيونية والإشهارات ديال الموضة هذه الجوارب واجبة على النساء؟ نعم التغطية ديال الرجلين واجب على المرا الأحاديث شتي الإمام مالك امام المذهب هادي لابد تردوا لها البال الإمام مالك اللي يتبعوه المغاربة - [00:03:00](#)

المذهب المالكي بالفقه كيقول بأنه المرا الى صلات والرجلين ديالها باينين يعني ظهور الأقدام يعني الكعبين السطح ديال ديال الرجل

صلوات رآه الصلاة خصها تعاودها اذا كانت في الوقت. ايوا اللي عطا الله هو هذا ولذلك المرا الى بغات تصلي خاصها واحد في اثنين يا
اما - 00:03:20

تلبس تقاشر او تغطي رجليها بشي فوطة كبيرة. ولا ترمي على راسها واحد ليزار كبير. ليزار كبير او طويل بحيث انه يا بطوي غطي
الرجلين او تصلي. صافي حيت الى عجزت على التقاشر تلبسهم اما دير واحد الفوطة تلوي بها رجليها وتصلي او دير واحد ليزار -
00:03:40

فوق راسها او فوق كتافها الى راسها مغطي فشي خرقة كبيرة او يهبط بشكل طويل كبير تا يفيض على الرجلين او يتلوى على
الرجلين رآه يعني يعني تسعود وتسعين فالمية فاصلة تسعود وتسعين فالمية ان الصلاة لغير جوارب مع الأسف يعني اا ناقصة بسبب -
00:04:00

جزء من العورة ديال المرأة المؤمنة وهذا كنتكلم يعني على احاديث صحيحة نعم اذا كان ظهور قدميها يعني النبي صلى الله عليه
وسلم سولاتو وحدة من يعني الصحابييات فواحد الحديث فجأة وواحد الحديث عاود واحد المرأة صاحبية سولوها التابعيات واش
تصلي المرأة فدرع - 00:04:20

كيسميوه فالصحرا يعني ما ماشي زار كبير قال لها نعم اذا اوقفت هي يعني نعم اذا كان يغطيها ظهور قدميها. اذا كان داك ليزار
واصل تا كيغطي الرجلين فتصلي به ان شاء الله. حقيقة عفا الله عما سلف لي داز شي حاجة - 00:04:40
عارف را مكايين باس باذن الله عز وجل الجهل يعذر به الإنسان في الإسلام الإسلام الجهل مقبول كعذر ولكن يعني الإنسان خصو يتفقد
بالدين التفقه في الدين واجب خاص يعني المرأة تغطي الرجلين ديالها الى بغات تصلي رآه الصلاة هادي وطبعا الى بغات تخرج لبرا
الله يصلح - 00:05:00

اخوانا كاملين هادي شي اخت كطلب مني زعما ننصح الأخوات وكذا باش يتغطاوا مزيان وكذا ايوا كيظهر لي يعني رآه معروف
معروف انا عندي هادي الطريقة ديالي في الخدمة مكنعرفش نتوجه للناس مباشرة ماشي مكنعرفش مكنعرفش مكبغيش الطريقة
ديالي في الخدمة هكا دايرة فالاخت الكريمة تصبر عليا على - 00:05:20

مكنخرج حد لأنه بجهد الله الكلام ديالي مع المدة مع المدة كيوصل ان شاء الله ان شاء الله عندي طريقة خاصة في في امل قراءة
القرآن على غير وضوء. اذا كتقصد الوضوء الصغير ايه صحيحة. ما مودياش الوضوء الصغير. قراي القرآن ماشي مشكل - 00:05:40
نعم اذا كان الإنسان على جنابة او حائض لا متقراش القرآن النفيسة والحايضة واللي خصها جنابة لكن غي ماموضياش وكان غي
مفصول عليها الوضوء الوضوء ديال الصلاة مفصول عليها تقرا القرآن ليس شرك سجدة التلاوة لا بأس بذلك ايضا - 00:06:00

هادي عندها اذى عندها مشكل في الرجلين ديالها. التقاشر كيضروها. التقاشر ما كيضروش. يعني ايلما كايين شي طيبة هنا تعاود ليها
يعني لي كيضر الطريقة ديال ديال سميتو وانا عندي هاد المرض هذا وكثير عند الناس هاد المرض ديال الصبعين يعني خصو خصو
طريقة خصو وقاية - 00:06:20

ديما غسلي رجلك ديما نشفي رجلك بالفوطة الاطباء كيقلول نفس الكلام وكنعكزو نديرو داكشي وكنبداو نحكو ويسيل الدم وكتولي
تقشيرة ضر ايلما نظف الإنسان مزيان ونشف مزيان ودوا باذن الله الى كان باقي مريض بجهد الله تعالى ماكادير التقشيرة والو ولما انا
تبعت هاد النصائح وليت تلبس التقشيرة - 00:06:40

ما وقع لي والو فيا من البرد هاد التقشيرة دائما عندي ما كيوقع لي حتى شي حاجة. ولكن غي نغفل نبدا عاود نتوضا وتلبس التقشيرة
بلا ما نشف رجلي. يومين ثلاثة - 00:07:00

تتنوض فيا العافية العافية فعلا كتبان الانسان صافي رجليه في الصباط وكنبدا نقز فلذلك خص العناية بالرجلين اكثر واكثر غير في
الصحة قرآن الفجر يعني كتكلم على الاية وقرآن الفجر ان قرآن الفجر كان مشهودا هل يكون قبل صلاة الفجر ام بعده لا - 00:07:10
وفي الفجر براسو يعني في الصلاة ديال الفريضة هادي رب العالمين كيكتلم على صلاة الفريضة الفجر الفريضة يعني صلاة الصبح
هناك القرآن تشهد الملائكة يعني تصديقا للحديث النبوي الصحيح يتعاقبون فيكم ملائكة بالليل وملائكة بالنهار ويلتقون - 00:07:30

في صلاة الفجر يعني ملائكة الليل وملائكة النهار كيتلاقوا مع المومن صلاة الفجر ديالو هل البسمة ضرورية في بداية السورة لا ليست
خويا ماشي واجبها لكنها مندوبة وسنة لي قراها مزيان ولي مقراهاش - 00:07:50